

ხელშეკრულება სახელმწიფო შესყიდვის შესახებ

№2.9.12/30/081

ქ. თბილისი

29 ოქტომბერი 2021 წელი

ერთის მხრივ ქ. თბილისის მუნიციპალიტეტის დიდუბის რაიონის გამგეობა, მდებარე: ქ. თბილისი, აკ. ბელიაშვილის გამზირი N1 (შემდგომში “შემსყიდველი”), წარმდგენილი რაიონის გამგებლის ფუნქციების დროებით შემსრულებლის - **მამუკა ვეკუას** სახით და მეორეს მხრივ **ი.მ. შორენა ქათამაძე**, ს.კ. **61004004837**, (შემდგომში „მიმწოდებელი“), მდებარე: **ხულო ს. წინწკალაშვილები 1-ლი III ჩიხი N 3**, წარმოდგენილი ხელმძღვანელის მინდობილი პირის **თამაზ წინწკალაძის (პ/ნ 61009000766)** სახით (მინდობილობის სარ. N210291209 გაცემული 30.03.2021წ.), ვხელმძღვანელობთ რა საქართველოში მოქმედი კანონმდებლობით, გამგეობის მიერ ჩატარებული ელექტრონული ტენდერის აუქციონის გარეშე (**განცხ. NAT210019036**) საფუძველზე, ვდებთ წინამდებარე ხელშეკრულებას შემდეგზე:

1. შესყიდვის ობიექტი

- 1.1. ქალაქ თბილისის მუნიციპალიტეტის დიდუბის რაიონის ტერიტორიაზე დაზიანებული **შენობა-ნაგებობების, აივნების, პარაპეტების ნაწილობრივი დემონტაჟის და მონტაჟის, დროებითი გამაგრების ღონისძიებები, სამშენებლო ნაგვის და გრუნტის გატანის და სხვა თანმდევი სამუშაოები.**
- 1.2. კლასიფიკატორის კოდი **45100000/45110000** - **შენობის დაშლისა და ნგრევის სამუშაოები და მიწის სამუშაოები.**
- 1.3. სამუშაოების ჩამონათვალი და რაოდენობა მოცემულია ხარჯთაღრიცხვაში, რომელიც თან ერთვის ხელშეკრულებას.

2. ხელშეკრულების ჯამური ღირებულება

- 2.1. ხელშეკრულების ჯამური ღირებულება შეადგენს **34 865,98 (ოცდათოთხმეტი ათას რვაას სამოცდახუთი ლარი და 98 თეთრი) ლარს.**
- 2.2. ხელშეკრულების ჯამური ღირებულება მოიცავს მიმწოდებლისათვის მოქმედი კანონმდებლობით განსაზღვრულ ყველა გადასახდელს.
- 2.3. ხელშეკრულება ძალაში შედის მხარეთა მიერ მისი ხელმოწერისთანავე და ძალაშია 2022 წლის 28 თებერვლამდე, გარდა წინამდებარე ხელშეკრულების მე-4 მუხლისა, რომლის მოქმედების ვადა განისაზღვრება მასში მითითებული საგარანტიო ვადის შესაბამისად.

3. სამუშაოს შესრულების პირობები

- 3.1. სამუშაოების მიწოდების ვადა - ეტაპობრივად, ხელშეკრულების დადებიდან 2021 წლის 25 დეკემბრამდე.
- 3.2. ეტაპობრივი შესრულება გულისხმობს, რომ მიმწოდებელს სამშენებლო ობიექტის კონკრეტული მისამართი, შესასრულებელი სამუშაოების დეტალური აქტი, სქემატური ნახაზი (საჭიროების შემთხვევაში) და სამუშაოებისათვის განსაზღვრული ვადები გადაეცემა წერილობით.

- 3.3. წინამდებარე ხელშეკრულების 1.1. პუნქტში მითითებული სამუშაოს სპეციფიკიდან გამომდინარე შემსყიდველი არ იღებს ვალდებულებას წინამდებარე ხელშეკრულების 3.1. პუნქტით განსაზღვრული სამუშაოების მიწოდების ვადაში ტექნიკური დავალებით გათვალისწინებული სამუშაოების მოცულობების სრულად დაკვეთის შესახებ;
- 3.4. შესასრულებელი სამუშაოს მოცულობები და სახეობები შესაძლებელია შეიცვალოს სამუშაოების მიმდინარეობის პროცესში შემსყიდველთან შეთანხმებით, აღმოჩენილი შესასრულებელი სამუშაოების გათვალისწინებით.
- 3.5. მიმწოდებელი ვალდებულია სამუშაო დაიწყოს წერილობითი დავალების მიცემიდან არაუგვიანეს 3 (სამი) კალენდარული დღის ვადაში, ხოლო გადაუდებელი აუცილებლობის შემთხვევაში 24 საათში.
- 3.6. მიმწოდებელი ვალდებულია შემსყიდველის მოთხოვნის საფუძველზე ერთდროულად იმუშაოს მინიმუმ 2 ბრიგადით (ფორს – მაჟორის შემთხვევაში დაუყოვნებლივ, 24 საათიანი სამუშაო გრაფიკით), თითოეული მინიმუმ 3 კაციანი შემადგენლობით.;
- 3.7. მიწოდების ადგილი – ქ. თბილისი, დიდუბის რაიონის ტერიტორია.
- 3.8. მიმწოდებელი ვალდებულია აღმოფხვრას სამუშაო ადგილის ფარგლებში მისი მიზეზით გამოწვეული დაზიანებები და აღადგინოს პირვანდელი მდგომარეობა.
- 3.9. მიმწოდებელმა სამუშაოების დაწყებამდე საკუთარი ხარჯებით ობიექტზე უნდა განათავსოს მინიმუმ 1 (ერთი) საინფორმაციო ბანერი (100სმ*80სმ) სამშენებლო მოედანზე, შემსყიდველის მიერ გადაცემული ესკიზის შესაბამისად.
- 3.10. თუკი სამუშაოების უსაფრთხო წარმოებისთვის საჭიროა შესაბამის სამსახურებთან შეთანხმებული, უსაფრთხოების სქემით სამუშაოების წარმოება, მიმწოდებელი ვალდებულია სრულად დაიცვას შეთანხმებული სქემით განსაზღვრული პერიმეტრი შესაბამისი მარეგულირებელი ნიშნებით.;
- 3.11. სამუშაოების დასრულების შემდეგ მიმწოდებელი ვალდებულია თავისი ძალებით და სახსრებით დაუყოვნებლივ გაათავისუფლოს სამუშაო ადგილი მანქანა-მექანიზმებისაგან, მოწყობილობა-დანადგარებისაგან, მასალებისაგან, სამშენებლო ნაგვისაგან და ა. შ.
- 3.12. მიმწოდებელს სამშენებლო სამუშაოების ადგილზე საჭიროების მიხედვით საკუთრებაში ან იჯარით უნდა გააჩნდეს აუცილებელი მატერიალურ – ტექნიკური ბაზა და აღჭურვილობის მინიმალური რაოდენობა. მიმწოდებელთან მითითებული მანქანა-მექანიზმების საკუთრების ან/და სარგებლობის უფლების შესახებ ინფორმაციის სისწორის გადამოწმება შემსყიდველს შეუძლია ნებისმიერ დროს.

4. შესრულებული სამუშაოს ხარისხი და გარანტია

- 4.1. შესრულებული სამუშაოს სრულფასოვანი ფუნქციონირების და ხარისხის საგარანტიო ვადა უნდა შეადგენდეს საბოლოო მიღება-ჩაბარების აქტის გაფორმებიდან მინიმუმ 1 (ერთი) წელს.
- 4.2. სამუშაოების დასრულების შემდეგ საგარანტიო ვადის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, თუ დადგინდება რომ აღნიშნული წუნი (ნაკლოვანებები, დეფექტი) გამოწვეულია უხარისხო ან/და არაჯეროვანი შესრულებით, მიმწოდებელი ვალდებულია აღმოფხვრას იგი შეტყობინებიდან დაუყოვნებლივ (არაუგვიანეს 3 კალენდარული დღის ვადაში) საკუთარი ხარჯებით.

5. ხელშეკრულების შესრულების კონტროლი (ინსპექტირება)

- 5.1. ხელშეკრულებით ნაკისრი ვალდებულებების შესრულების კონტროლს ნებისმიერ ეტაპზე ახორციელებს შემსყიდველი.

5.2. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქ. თბილისის მუნიციპალიტეტის დიდუბის რაიონის გამგეობის თანამშრომლები:

- გიორგი ბარათაშვილი
- აკაკი კაკიტაძე
- ამირან ბილიხოძე
- გიორგი მახვილაძე

5.3. მიმწოდებელი ვალდებულია საკუთარი ხარჯით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.

5.4. ინსპექტირების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ აცნობებს მიმწოდებელს წუნდების მიზეზების მითითებით.

5.5. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

6. შესყიდვის ობიექტის მიღება-ჩაბარების წესი.

6.1. სამუშაოს ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

6.2. სამუშაოს ან მისი ნაწილის მიღება-ჩაბარება ხორციელდება შესრულებული სამუშაოს დამადასტურებელი ფორმა N2-ის საფუძველზე. სამუშაოების (ან მისი ნაწილის) შესრულების თარიღად ჩაითვლება შესრულებული სამუშაოების აქტში - ფ. N2-ში მითითებული თარიღი, დადასტურებული ტექნიკური ზედამხედველის მიერ.

6.3. ხარჯთაღრიცხვით განსაზღვრული სამუშაოების მოცულობები შესაძლებელია შეიცვალოს, ფაქტობრივად შესრულებული სამუშაოების გათვალისწინებით, ხელშეკრულების 5.2 პუნქტით განსაზღვრულ პირ(ებ)თან მიღწეული წინასწარი შეთანხმების საფუძველზე, რაზეც გაფორმდება შესაბამისი აქტი.

6.4. ხელშეკრულების შესრულების კონტროლზე, ტექნიკურ ზედამხედველობასა და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირებს წარმოადგენენ წინამდებარე ხელშეკრულების მე-5 მუხლის 5.2 პუნქტში მითითებული პირები.

6.5. შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

6.6. შემსყიდველის მიერ შესყიდვის ობიექტის ან მისი ნაწილის (ეტაპი) რაოდენობრივი და ხარისხობრივი პარამეტრების შემოწმების დროს დეფექტის ან ნაკლის გამოვლენის შემთხვევაში შემსყიდველი ოპერატიულად, წერილობითი სახით, აცნობებს მიმწოდებელს შემოწმების შედეგებს - დაწუნებულ სამუშაოებს და წუნდების მიზეზებს.

6.7. მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

7. ანგარიშსწორების ფორმა

7.1. ანგარიშსწორება მოხდება უნაღდო ანგარიშსწორებით ლარში.

7.2. ანგარიშსწორება მოხდება 2021 წლის ადგილობრივი ბიუჯეტის სახსრებით ეტაპობრივად, მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღის განმავლობაში.

7.3. ამ ხელშეკრულების მე-8 მუხლით გათვალისწინებულ შემთხვევაში მიმწოდებელზე დაკისრებული ჯარიმის (პირგასამტეხლოს) ანაზღაურებამდე შემსყიდველი უფლებამოსილია უარი თქვას ანგარიშსწორებაზე. ამ შემთხვევაში ანგარიშსწორება განხორციელდება მიმწოდებლის მიერ შესაბამის ანგარიშზე დაკისრებული ჯარიმის (პირგასამტეხლოს) გადახდის შემდეგ.

7.4. იმ შემთხვევაში, თუ ამ ხელშეკრულების მე-8 მუხლით გათვალისწინებული წესით საჯარიმო სანქციის გამოყენებასთან დაკავშირებით შეტყობინების მიღებიდან 7.2 პუნქტით გათვალისწინებულ ანგარიშსწორებამდე მიმწოდებლის მიერ არ იქნა წარმოდგენილი საჯარიმო სანქციით დაკისრებული თანხის გადახდის დამადასტურებელი დოკუმენტი, შემსყიდველი ვალდებულია მიღება-ჩაბარების აქტით განსაზღვრული შესრულებული სამუშაოების ღირებულების ანაზღაურებისას, ხელშეკრულების პირობების დარღვევის გამო საჯარიმო სანქციით დაკისრებული თანხა დაუქვითოს მიმწოდებელს, რის შემდეგაც მიმწოდებელს ჩაერიცხება დარჩენილი თანხა.

7.5. წინასწარი ანგარიშსწორება (ავანსი) არ გამოიყენება.

8. ხელშეკრულების პირობების შეუსრულებლობა (საჯარიმო სანქციები, ფორმა, ოდენობა, და გადახდის ვადები)

8.1. ფორს-მაჟორული პირობების გარდა, ხელშეკრულების დამდეგი მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები;

8.2. ხელშეკრულებით ნაკისრი ვალდებულებების არაჯეროვნად შესრულების შემთხვევაში მიმწოდებელს დაეკისრება ჯარიმის გადახდა (გარდა შესრულების ვადის დარღვევისა) ყოველ ჯერზე ამ ხელშეკრულების მთლიანი ღირებულების 0,2%-ის ოდენობით.

8.3. მიმწოდებელი ვალდებულია სამუშაოები დაიწყოს წერილობითი დავალების ჩაბარებიდან არაუგვიანეს 3 (სამი) კალენდარულ დღეში, წინააღმდეგ შემთხვევაში მიმწოდებელს დაეკისრება პირგასამტეხლო ხელშეკრულების საერთო ღირებულების 0,1%-ის ოდენობით;

8.4. გადაცემული დავალებით განსაზღვრული კონკრეტული სამუშაოს დასრულების ვადის დარღვევის შემთხვევაში მიმწოდებელს დაეკისრება პირგასამტეხლო ამ ხელშეკრულების ჯამური ღირებულების 0,05%-ის ოდენობით ყოველ ვადაგადაცილებულ დღეზე;

8.5. ამ მუხლის 8.4. პუნქტით გათვალისწინებულ შემთხვევაში თუ პირგასამტეხლოს ოდენობა გადააჭარბებს ამ ხელშეკრულების ღირებულების 0,5%-ს ან ამ მუხლის 8.2. და 8.3. პუნქტებით გათვალისწინებული სანქციის 2-ჯერ ან მეტჯერ გამოყენების შემთხვევაში, შემსყიდველს უფლება აქვს ცალმხრივად შეწყვიტოს ხელშეკრულება. აღნიშნული საფუძველით ხელშეკრულების შეწყვეტის შემთხვევაში მიმწოდებელს დაეკისრება ჯარიმა ხელშეკრულების ღირებულების 10%-ის ოდენობით.

8.6. საჯარიმო სანქციით დაკისრებული თანხა გადახდილ უნდა იქნას საჯარიმო სანქციის გამოყენებასთან დაკავშირებით შეტყობინებიდან 10 (ათი) კალენდარული დღის ვადაში.

8.7. შემსყიდველი იღებს ვალდებულებას ხელშეკრულების 7.2 პუნქტის მოთხოვნის დარღვევის შემთხვევაში გადაუხადოს მიმწოდებელს პირგასამტეხლო ჩასარიცხი თანხის 0,02%-ის ოდენობით, ყოველ ვადაგადაცილებულ დღეზე.

8.8. საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულების შეწყვეტა.

9.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2. მიმწოდებელი ვალდებულია შეატყობინოს შემსყიდველს ცალმხრივად შეწყვეტის შესახებ მიღებული გადაწყვეტილება, მისი მიღების საფუძველი და ამოქმედების თარიღი, ხოლო შემსყიდველმა აცნობოს მიმწოდებელს ცალმხრივად შეწყვეტის შესახებ მიღებული გადაწყვეტილება და ამოქმედების თარიღი.

9.3. ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულებების შეუსრულებლობით.

9.4. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5. შემსყიდველს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) ხელშეკრულების მე-8 მუხლის 8.3. პუნქტით გათვალისწინებული საჯარიმო სანქციის ორჯერ ან მეტჯერ დაკისრების შემთხვევაში.

ბ) მიმწოდებლის მიერ წერილობით განსაზღვრული სამუშაოების დასრულების ვადის 10 (ათი) კალენდარულ დღეზე მეტი ვადით გადაცილების შემთხვევაში.

გ) მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში;

დ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ე) საქართველოს კანონმდებლობით გათვალისწინებულ სხვა შემთხვევებში.

9.6. ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად შესრულებული სამუშაოების ღირებულება.

10. ფორს-მაჟორი

10.1. ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყერების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორსმაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული. ამ დროს მხარეებს შორის ხელშეკრულების შესაბამისად გადასახდელ თანხაზე ფორსმაჟორის შემთხვევაში გათვალისწინებული შეღავათები არ ვრცელდება.

10.2. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების

შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4. იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. ხელშეკრულების პირობების გადასინჯვა.

11.1. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

11.2. მხარეთა შეთანხმებით დასაშვებია ხელშეკრულების საერთო ღირებულების შეცვლა.

11.3. ხელშეკრულების ღირებულების პარამეტრების (ერთეულის ფასის) შეცვლა დაუშვებელია, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

11.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

11.5. ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

11.6. სამუშაოების წარმოების პროცესში, სამუშაოს ახალი პოზიცი(ებ)ის წარმოქმნის შემთხვევაში, შემსყიდველის მხრიდან ანაზღაურება განხორციელდება სსიპ “ლევან სამხარაულის სახელობის სასამართლო ექსპერტიზის ეროვნული ბიუროს” ან სხვა აკრედიტებული პირის მიერ გაცემული დასკვნით განსაზღვრული ახალი პოზიციის ერთეულის ფასის ფარგლებში, ექსპერტიზის დასკვნით დადგენილი ფაქტობრივი დანახარჯების მიხედვით. ექსპერტიზის მომსახურების ღირებულებას ანაზღაურებს მიმწოდებელი.

11.7. სამუშაოების წარმოების პროცესში, სამუშაოს ახალი პოზიცი(ებ)ის ქალაქ თბილისის მუნიციპალიტეტის დიდუბის რაიონის გამგეობის ინიცირების შემთხვევაში, ექსპერტიზის მომსახურების ღირებულებას ანაზღაურებს შემსყიდველი, „საჯარო სამართლის იურიდიული პირის - ლევან სამხარაულის სახელობის სასამართლო ექსპერტიზის ეროვნული ბიუროს მომსახურების ტარიფების დამტკიცების შესახებ“ საქართველოს მთავრობის 2012 წლის 8 მაისის N171 დადგენილებით განსაზღვრული ტარიფების ფარგლებში.

12. სადავო საკითხების გადაწყვეტა.

12.1. ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით.

12.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადავო საკითხების თაობაზე შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

12.3. ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს.

12.4. ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

12.5. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

13. სხვა პირობები

13.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

13.2. ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან.

13.3. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

13.4. ხელშეკრულებაში მოწაწილე ორივე მხარე ვალდებულია, ხელშეკრულების მოქმედების პერიოდში საკონტაქტო პირ(ებ)ის ან ინფორმაციის ცვლილება წერილობითი სახით აცნობოს მეორე მხარეს.

14. მხარეთა იურიდიული მისამართები და რეკვიზიტები

შემსყიდველი

ქალაქ თბილისის მუნიციპალიტეტის
დიდუბის რაიონის გამგეობა
ს/კოდი: 202171167
მის. აკ. ბელიაშვილის ქ. N1

სახელმიწფო ხაზინა:
ა.ა. GE24NB0330100200165022
TRESGE22

მამუკა გვგუა



მიმწოდებელი

ი.მ. შორენა ქათამაძე
ს.კ. 61004004837
მის. ხულო ს. წინწკალაშვილები 1-ლი III ჩიხი N3
ელ. ფოსტა. tsintskaladzetamaz@gmail.com /
Shorenaqatamadze81@gmail.com
ტელ. +995555491047 / +995558521985
სს „თიბისი ბანკი“
TBCBGE22
ა/ა GE09TB7062445066300002

თამაზ წინწკალაძე

**წერილი სახელმწიფო შესყიდვის
(ხელშეკრულება №2.9.12/30/081 29.10.2021 წელი)
ელექტრონული ტენდერის საშუალებით განხორციელებისას
ინტერესთა კონფლიქტის თავიდან აცილების შესახებ**

ქ. თბილისი


29 ოქტომბერი 2021 წელი

ვადასტურებ, რომ „სახელმწიფო შესყიდვების შესახებ“ საქართველოს კანონის მე-8 მუხლის პირველი პუნქტის შესაბამისად, ჩემი მონაწილეობა ქალაქ თბილისის მუნიციპალიტეტის დიდუბის რაიონის ტერიტორიაზე დაზიანებული შენობა-ნაგებობების, აივნების, პარაპეტების ნაწილობრივი დემონტაჟის და მონტაჟის, დროებითი გამაგრების ღონისძიებები, სამშენებლო ნაგვის და გრუნტის გატანის და სხვა თანმდევი სამუშაოების სახელმწიფო შესყიდვის განხორციელებაში არ იწვევს ინტერესთა კონფლიქტს - ი.მ. შორენა ქათამაძე-სთან მიმართებით.

ინფრასტრუქტურული პროექტების მართვისა
და პროექტირების განყოფილების
მეორე კატეგორიის უფროსი სპეციალისტი


აკაკი კაკიტაძე

ზედამხედველობისა და რეაგირების
განყოფილების მეორე კატეგორიის
უფროსი სპეციალისტი


გიორგი მახვილაძე

დანართი N1

ქალაქ თბილისის მუნიციპალიტეტის დიდუბის რაიონის ტერიტორიაზე დაზიანებული შენობა-ნაგებობების, აივნების, პარაპეტების ნაწილობრივი დემონტაჟის და მონტაჟის, დროებითი გამაგრების ღონისძიებების, სამშენებლო ნაგვის და გრუნტის გატანის და სხვა თანმდევი სამუშაოების ხარჯთაღრიცხვა

N	სამუშაოს დასახელება	განზ. ერთ.	რაოდენობა	ერთ. ფასი	ჯამი	ზღვრული ერთ. ფასი
1	სამშენებლო ღობის მოწყობა (H=2მ) პროფილირებული თუნუქით ხის ლარტყებზე	გრძ.მ	6,00	35,00	210,00	35,00
2	დროებითი სამშენებლო ღობის მოწყობა (H=2მ) პროფილირებული თუნუქით ხის ლარტყებზე დემონტაჟის დროს	გრძ.მ	6,00	16,30	97,80	16,50
3	ავარიული სახურავის დემონტაჟი სპეც მანქანის გამოყენებით	კვ.მ	12,00	19,00	228,00	19,50
4	ავარიული სახურავის დემონტაჟი ხელით	კვ.მ	500,00	2,00	1000,00	3,25
5	ავარიული სახურავის დემონტაჟი მექანიზმებით	კვ.მ	12,00	10,00	120,00	10,00
6	შენობის (ნაგებობის) ავარიული კედლის დემონტაჟი სპეც. მანქანის გამოყენებით	კუბ.მ	15,00	20,00	300,00	22,00
7	შენობის (ნაგებობის) ავარიული კედლის დემონტაჟი ხელით	კუბ.მ	5,00	25,00	125,00	26,25
8	შენობის (ნაგებობის) სველ წერტილებში ქსელების ჩახსნა-გაუქმება-გადაერთება	წერტილი	3,00	7,50	22,50	7,50
9	შენობის დაზიანებული პარაპეტის დემონტაჟი ავტოკალათის გამოყენებით (სიმაღლე 3-15 მ) და სამშენებლო ნარჩენების გატანა	კვ.მ	10,00	26,00	260,00	27,50
10	შენობის დაზიანებული პარაპეტის დემონტაჟი ავტოკალათის გამოყენებით(სიმაღლე 3-15 მ) პნევმატური ჩაქურჩით და სამშენებლო ნარჩენების გატანა	კვ.მ	10,00	34,00	340,00	35,00
11	შენობის (ნაგებობის) ავარიული კედლის დემონტაჟი მექანიზმების გამოყენებით	კუბ.მ	12,00	21,00	252,00	22,50
12	სამშენებლო ნაგვის ან გრუნტის გადაადგილება ხელით სამანქანო გზამდე	კუბ.მ	12,00	16,00	192,00	16,50
13	სამშენებლო ნაგვის ან გრუნტის დატვირთვა ავტოთვიტმცლელზე მექანიზმის გამოყენებით და გატანა ნაგავსაყრელზე	კუბ.მ	120,00	14,50	1740,00	16,50
14	სამშენებლო ნაგვის ან გრუნტის დატვირთვა ავტოთვიტმცლელზე ხელით და გატანა ნაგავსაყრელზე	კუბ.მ	120,00	24,00	2880,00	26,50
15	ლითონის ან სხვა მასალის კონსტრუქციის მოჭრა და გატანა ნაგავსაყრელზე	კვ.მ	40,00	18,50	740,00	19,00

16	ლითონის ან სხვა მასალის კონსტრუქციის მოჭრა და დასაწყობება დამკვეთის მიერ მითითებულ ადგილზე	კვ.მ	970,00	19,50	18915,00	21,50
17	ლითონის ან სხვა მასალის მილის ან მსგავსი ნაკეთობის მოჭრა და გატანა ნაგავსაყრელზე	გრძ.მ	30,00	7,00	210,00	7,50
18	ლითონის ან სხვა მასალის მილის ან მსგავსი ნაკეთობის მოჭრა და დასაწყობება დამკვეთის მიერ მითითებულ ადგილზე	გრძ.მ	30,00	7,30	219,00	7,50
	ჯამი				27851,30	
	ზედნადები ხარჯი	3%			835,54	
	ჯამი				28686,84	
	მოგება	3%			860,61	
	ჯამი				29547,44	
	დ.ღ.გ.	18%			5318,54	
	სულ				34865,98	

შენიშვნა:

- პრეტენდენტის მიერ წარმოდგენილი ერთეულის ფასები არ უნდა აღემატებოდეს დანართი N1-ში მითითებული შესაბამისი ერთეულის ზღვრული ფასების ოდენობას.
- პრეტენდენტის მიერ ხარჯთაღრიცხვა სასურველია ატვირთული იქნას excel-ის ფორმატის ფაილის სახითაც, დანართი N#1-ის მიხედვით. (ხარჯთაღრიცხვის (pdf ფაილის) წარმოდგენლობა, ან განუფასებელი ხარჯთაღრიცხვის წარმოდგენა დაზუსტებას არ დაექვემდებარება და გამოიწვევს პრეტენდენტის დისკვალიფიკაციას).

ი/მ შორენა ქათამაძის მ/პ თამაზ წინწკალაძე

**Tamaz
Tsintskaladze**

Подписано цифровой
подписью: Tamaz Tsintskaladze
Дата: 2021.10.25 15:47:17 +04'00'

სანოტარო მოქმედების ინდივიდუალური ნომერი



40048925518321

საქართველო



სანოტარო მოქმედების დასახელება
რწმუნებულების / მინდობილობის დამოწმება

სანოტარო მოქმედების რეგისტრაციის ნომერი

N210291209



რეგისტრაციის თარიღი

30.03.2021 წ

ნოტარიუსი: მარიამი შავერდაშვილი

მისამართი: ქ. თბილისი, დიღმის მასივი, კვარტალი V, კორპუსი 1, ბ. N3ა

ტელეფონი: (+995) 577 25 33 18

სანოტარო მოქმედებისა და სანოტარო აქტის შესახებ ინფორმაციის (მისი შექმნის, შეცვლის და/ან გაუქმების შესახებ) მიღება-გადამოწმება შეგიძლიათ საქართველოს ნოტარიუსთა პალატის ვებ-გვერდზე:
www.notary.ge ასევე შეგიძლიათ დარეკოთ ტელეფონზე: +995(32) 2 66 19 18

საქართველო
სანოტარო აქტი

ორი ათას ოცდაერთი წლის ოცდაათ მარტს, მე, ნოტარიუსს მარიამი შავერდაშვილს, რომლის სანოტარო ბიურო მდებარეობს მისამართზე: ქ. თბილისი, დიდმის მასივი, კვარტალი V, კორპუსი 1, ბ. N3, მომმართა მოქალაქე შორენა ქათამაძემ, როგორც ინდივიდუალურმა მეწარმემ - „შორენა ქათამაძე“, თანახმად ამონაწერისა მეწარმეთა და არასამეწარმეო (არაკომერციული) იურიდიული პირების რეესტრიდან, განაცხადის რეგისტრაციის ნომერი: B18201967, მომზადების თარიღი 03/12/2018 10:48:30, საიდენტიფიკაციო ნომერი: 61004004837, იურიდიული მისამართი: საქართველო, ხულო, ს. წინწკალაშვილები, 1-ლი III ჩიხი, N3.

მან, როგორც ინდივიდუალურმა მეწარმემ - „შორენა ქათამაძე“, გამოხატა მოქალაქე თამაზ წინწკალაძის ან/და ვახტანგ წინწკალაძის მიმართ მინდობილობის შედეგენისა და მისი სანოტარო წესით დადასტურების ნება.

მე შევამოწმე მისი პირადობა, წარმოდგენილი პირადობის დამადასტურებელი დოკუმენტით და დავრწმუნდი, რომ მე ნამდვილად შორენა ქათამაძემ (დაბ: 08.08.1981 წელს, ქობულეთში, პ/ნ 61004004837, რეგ. მისამართზე: ხულო ს. წინწკალაშვილები 1-ლი III ჩიხი N 3, ფაქტობრივი მისამართი: ქ. თბილისი, დიდმის მასივი, კვ 3, კორპ. N 19) მომმართა.

მე შევამოწმე მისი ქმედუნარიანობა და უფლებამოსილება (თანახმად ამონაწერისა მეწარმეთა და არასამეწარმეო (არაკომერციული) იურიდიული პირების რეესტრიდან, განაცხადის რეგისტრაციის ნომერი: B18201967, მომზადების თარიღი 03/12/2018 10:48:30, საიდენტიფიკაციო ნომერი: 61004004837) და ვადასტურებ, რომ მის ქმედუნარიანობასა და უფლებამოსილებაში ეჭვის შეტანის საფუძველი არ მქონია.

მე დავადგინე მისი ნების გამოხატვის ნამდვილობა, მინდობილობის შინაარსი, განვუმარტე მიმნდობ პირს მინდობილობაზე ხელმოწერის სამართლებრივი შედეგები, აგრეთვე ის, რომ მას უფლება აქვს ნებისმიერ დროს გააუქმოს ეს მინდობილობა. შემდეგ შევადგინე მინდობილობის პროექტი, რომელიც წაიკითხა და მოიწონა მიმნდობმა პირმა და ჩემი თანდასწრებით პირადად მოაწერა ხელი შემდეგ მინდობილობას:

მ ი ნ დ ო ბ ი ლ ო ბ ა

ორი ათას ოცდაერთი წლის ოცდაათ მარტს, შორენა ქათამაძემ (დაბ: 08.08.1981 წელს, ქობულეთში, პ/ნ 61004004837), როგორც ინდივიდუალურმა მეწარმემ „შორენა ქათამაძე“ (საიდენტიფიკაციო ნომერი 61004004837, იურიდიული მისამართი: საქართველო, ხულო, ს. წინწკალაშვილები, 1-ლი III ჩიხი, N3), თამაზ წინწკალაძეს (დაბ. 04.04.1959 წელს, პ/ნ 61009000766) ან/და ვახტანგ წინწკალაძეს (დაბ. 06.04.1980 წელს, პ/ნ 61009002097), რომლებიც შემდგომ ტექსტში ერთად ან/და დამოუკიდებლად მოხსენიებული არიან როგორც „მინდობილი პირი“, მიანიჭა შემდეგი უფლებამოსილება:

მინდობილი პირი უფლებამოსილია იყოს ჩემი, როგორც ინდივიდუალური მეწარმის წარმომადგენელი ნებისმიერ სახელმწიფო და არასახელმწიფო დაწესებულებაში, ნებისმიერ ადმინისტრაციულ და თვითმმართველობის ორგანოში, ქ. თბილისის მერიაში და მის დაქვემდებარებაში არსებულ სამსახურებში, ფიზიკურ და იურიდიულ პირებთან, ყველა საჭირო ინსტანციაში ა.შ, რათა ჩემი, როგორც ინდივიდუალური მეწარმის სახელით აწარმოოს მოლაპარაკებები, ააბაროს ან/და აიღოს ნებისმიერი დოკუმენტი (მათ შორის, ცნობები, მიღება-ჩაბარების აქტები, საინფორმაციო ბარათები), ხელი მოაწეროს ყველა საჭირო დოკუმენტაციას (მათ შორის, სატენდერო დოკუმენტაციას, ხელშეკრულებებს, მიღება-ჩაბარების აქტებს) და ა.შ.გადაიხადოს გადასახადები და შეასრულოს ყველა საჭირო მოქმედება.

ამ მინდობილობით მინიჭებული უფლებები მთლიანად ან ნაწილობრივ არ შეიძლება გადაეცეს სხვა პირებს.

მინდობილობა გაცემულია 1 (ერთი) წლის ვადით.

მინდობილობა შედგენილია 3 (სამი) თანაბარმნიშვნელოვან ეგზემპლარად, რომელთაგან ერთი ინახება ჩემი სანოტარო ბიუროს არქივში, ხოლო დანარჩენი გადაეცემა მიმნდობ პირს.

სანოტარო აქტის იმ ეგზემპლარს, რომელიც რჩება სანოტარო ბიუროს არქივში თან ერთვის:

- ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან, განაცხადის რეგისტრაციის ნომერი: B18201967, მომზადების თარიღი 03/12/2018 10:48:30.

გადახდილია სანოტარო მომსახურების საზღაური 10 (ათი) ლარი, თანახმად საქართველოს მთავრობის 2011 წლის 29 დეკემბრის #507 დადგენილების - "სანოტარო მოქმედებათა შესრულებისათვის საზღაურის და საქართველოს ნოტარიუსთა პალატისათვის დადგენილი საფასურის ოდენობების, მათი გადახდევინების წესის და მომსახურების ვადების დამტკიცების შესახებ" 31-ე მუხლისა, აგრეთვე 2 (ორი) ლარი (დღგ ჩათვლით), თანახმად ზემოაღნიშნული დადგენილების (#507, 29 დეკემბერი, 2011 წ.) 39-ე მუხლის I პუნქტისა. სულ გადახდილია 12 (თორმეტი) ლარი.

შორენა ქათამაძე

ნოტარიუსი
მარიამი შავერდაშვილი

